

《大乘起信論導讀》 補充講表

◎附表八：以下糅合《大乘起信論裂網疏》、《大乘起信論疏記會閱》

○眾生不知，於真如平等法中，妄計能所說念，以為實有；亦可名為理即隨順。

※《圓覺經》清淨慧菩薩章云：「一切眾生，從無始來，由妄想我，及愛我者；曾不自知，

念念生滅，故起憎愛，耽著五欲」。〔自性執〕

○一者、如實空，以能究竟顯實故；二者、如實不空，以有自體，具足無漏性功德故。

※《大乘起信論裂網疏》卷二云：「特以遍計本無，依他如幻，故名為如實空；圓成本具，

復名如實不空。由空遍計依他，方顯圓成不空。譬如了蛇非有，

達繩非實，方顯麻體不空。由見圓成不空，方信遍依非有。譬

如見麻四微，則知蛇固本無，繩亦非實也。只此眾生現前介爾

心性，本無實我實法，亦無五位百法，百界千如差別幻相。」

※《大乘起信論疏記會閱》云：「如實空者，謂真如實體之中，空是無妄染，非謂如實之體自空也。如言瓶空，蓋謂瓶中無物，非謂瓶體是空。

此如實體之中，既空無妄染，遂能究竟顯出真實之理體。」

*徧計執性：謂普徧計較執著也。即性宗常說之分別、執著、攀緣、無明、妄心、妄想等。
*依他起性：即性宗所說之緣起、緣生、性起，此正本性隨緣現起之相用。

*圓成實性：圓：謂圓滿。成：謂本具。圓成二字，約體說，明其本來圓滿具足，非造作法。亦兼約相用說，謂相用為體所本具，淨德圓滿也。實，即真實。

◆以上糅合江味農居士《金剛經講義》

*空觀：觀緣生無性，從假入空，不住有（因緣所生法）

※《中觀論》觀四諦品云：「未曾有一法，不從因緣生，是故一切法，無不是空者。」

※《中觀論》觀行品云：「大聖說空法，為離諸見故，若復見有空，諸佛所不化。」

*假觀：觀無性緣生，即觀俗諦理，十界染淨緣起。從空入假，不住空（非空）。

※《中觀論》觀四諦品云：「以有空義故，一切法得成，若無空義者，一切則不成。」

○所言空者，從本已來，一切染法不相應故：故說為空。若離妄心，實無可空故。

※《大乘起信論裂網疏》卷二云：「此申明真實空者，但表真如體上，本無染妄。故以空

字遮其妄有，非指此空以為真如體也。現前介爾心性，從本已來，覓之了不

可得，如何得與染法相應！如何得有差別法相！何處可容虛妄分別！是故有

無四相，一異四相，無不皆空；乃至一切妄分別心，總不能觸證此心性也。」

○心生滅者，依如來藏，故有生滅心。所謂不生不滅，：一者、覺義，二者、不覺義。

※《大乘起信論裂網疏》卷二云：「如來藏者，即是真如。真如不變隨緣，舉體而成生滅。

（目：稱也，叫做也）今不言依真如有生滅心轉，乃言依如來藏有生滅心轉者；蓋以真

如目此心之體，如指水之濕性。以如來藏目此心之相，如指濕性

之水也。真如既不生滅，故如來藏亦不生滅。真如舉體隨緣，故

依第八如來藏，而有前七識生滅心轉。此前七識，並依第八識起，

並攬真如為體，如依水起波，波亦以濕為體也。第八識與前七識，展轉相依，互為因果；如水與波，故名和合。能熏所熏相別，故非一；同以真如為體，故非異。由有能藏所藏執藏義故，所以復受阿賴耶名。〈阿賴耶，此翻藏〉。由其體即真如，故能攝一切法；由其受熏持種，故能生一切法也。」

※《大乘起信論裂網疏》卷二云：「言復有二種義者，謂此藏識中，無始已來，法爾本具無漏智德種子，能生無漏諸法，名為覺義。法爾本具有漏無明種子，能生有漏諸法，名不覺義也。」

◆第八識作用：《八識規矩頌》云：「受薰持種根身器，去後來先作主公。」

△第八識之特性：「恒轉如暴流」（以下糅合《成唯識論》）

